

國朝文類

三

國朝文類卷第四

樂府歌行

相夫人詠

元好問

木蘭芙蓉滿芳洲白雲飛來北渚遊千秋萬歲帝鄉遠雲來雲去空悠悠秋風秋月沅江渡波上寒煙引輕素九疑山高猿夜啼竹枝無聲墮殘露

西樓曲

元好問

游絲落絮春漫漫西樓晚晴花作團樓中少婦弄瑤琴一曲未終坐長嘆去年與郎西入關春風浩蕩隨金鞍今年死馬妾東還零落芙蓉秋水寒并

自朝文類卷四

刀不剪東流水相竹年年露痕紫海枯石爛兩鴛鴦只合雙飛便雙死重城車馬紅塵起乾鵲無端為誰喜鏡中獨語人不知欲挿花枝淚如洗

征人怨

元好問

瀚海風煙掃易空玉關歸路幾時東塞垣可_是秋寒早一夜清霜滿鏡中

塞上曲

元好問

平沙細草散羊牛一簇征人在戍樓忽見隴頭新鴈過一時迴首望南州

梁園春

元好問

雙鳳蕭聲隔綵霞宮鶯催賞玉谿花誰憐麗澤門
邊柳瘦倚東風望翠華

龍德宮有王谿館
麗澤門名

征夫詞

劉祁

頽陰漠漠秋天黑冷雨瀟瀟和雪滴途中騎士衣
寒單半夜銜枚赴靈壁中州近歲雨雪多只因戎
馬窺黃河將軍錦帳衣千襲馬上揮鞭傳令急但
令飽煖度朝夕一匹沙場吾不惜九重日望凱歌
歸安知中路行逶迤願將舞女纏頭錦添作征人
身上衣

征婦詞

劉祁

人自朝類卷四

二

青釭熒熒照空壁綺窓月上莎雞泣良人沙塞遠
從軍獨妾深閨長太息憶初窈小嫁君時謂君不
晚擁旌麾如何十載尚輿隸東屯西戍長奔馳秋
風戎馬臨關路千里持矛關上去公家事急將令
嚴兒女私恩那得顧恨妾不為金鞬靴在君腰下
隨風埃恨妾不為龍泉劍在君手內飛光燄暮君
不得逐君行翠袖爛斑空血染君不見重瞳鳳駕
遊九疑蒼梧望斷猶不歸況今沙場征戰地千人
同去幾人回君回不回俱未見妾心如石那可轉

留春曲

杜瑛

紫飛冷屑龍蟠玉花墮香摧鳳銜燭批頰深林叫
新綠倚闌人唱留春曲春光欲去如死灰明年暖
風吹又來何如日日長相守典衣共醉花前杯殷
勤留春春不住白日西馳水東去鏡中絲髮柰老
何君當持盃我欲歌

楊白花

李冶

帝家迷樓香書長紫笙吹破百花香蒲萄凝碧瓊
珀光燕語鶯啼空斷腸枕惟紅淚灑瀟湘玉鏡臺
前添午粧茜羅綬帶雙鴛鴦胡蝶趁雪上釵梁千
里萬里雲茫茫

空村語

楊弘道

凄風羊角轉曠野埃塵腥膏血夜為火望際光青
熒頽垣俯積灰破屋仰見星蓬蒿塞前路瓦礫堆
中庭殺戮餘稚老疲羸行欲倒居空村問汝何以
供朝昏氣息僅相屬致詞難遽言往時百餘家今
日數人存頃筐長鏡隨日出樹木有皮草有根春
磨沃飢火水土仍君恩但恨誅求盡地底官吏有
時猶到門

羽林行

楊果

銀鞍白馬鳴玉珂風花三月臙脂坡侍中丈夫領

軍子萬金買斷青樓歌少年羽林出名字隨從武
皇偏得意當時事少遊幸多御馬御衣嘗得賜年
年春水復秋山風毛雨血金蓮川歸來宴賀滿宮
醉山呼搖動東南天明昌泰和承平久北人歲獻
蒲萄酒一聲長嘯四海空繁華事往空回首懸瓠
月落城上墻天子死不為降王羽林零落祇君在
白頭辛苦趁路傍腰無長劍手無槍欲語前事涕
滿裳洛陽城下歲暮秋風秋氣傷金瘡龍門流
出伊河水北望臨潢八千里蔡州新起髑髏臺只
合當年抱君死君家父兄健如虎一日倉皇變為

皇朝類卷四

四

鼠錦衣新貴兒莫嗟得時失時令人悲

金谷行

揚奐

洛陽園池天下無金谷近在西城隅晉時花草不
復見野人猶解談齊奴齊奴豪奢誰比數酒酣愛
擊珊瑚樽後堂春風滿桃李中有一枝名綠珠千
金買步障百金買觀顰時時吹笛替郎語雲牕霧
戶長歡娛層階欲下湏人扶豈料一日能捐軀紅
飛玉碎頃刻裏空使行客悲躊躇樓頭小婦感恩
死君臣大義當何如

桃源行

劉因

六王掃地阿房之桃源與秦分一水小國寡民君
所憐賦役多慙負天子天家正朔不得知手種桃
枝辨四時遺風百世尚不泯俗無君長人熙熙
舟載入人間世却悔說花露蹤跡曾聞父老談秦
強不信而今解亡國畫圖曾識武陵溪飛鳴滅沒
天之西但恨於今又千載不聞再有漁人迷

明妃曲

劉因

初聞丹青寫明眸明妃私喜六宮羞再聞北使選
絕色六宮無慮明妃愁妾身只有愁可必萬里今
從漢宮出悔不別君未識時免使君心憐玉質君

國朝文類卷四

五

心有憂在遠方但恨妾身是女郎飛鴻不解琵琶
語祇帶離愁歸故鄉故鄉休嗟妾薄命此身難死
君恩重來時無數後宮花明日飄零成底用官花
無用妾如何傳去哀弦幽思多君王要聽新聲譜
為譜高皇猛士歌

塞翁行

劉因

塞翁少小壘上鋤塞翁老來能捕魚宋家昔日塞
翁行屯田校尉功不如西山瀛海接千里長城又
見開長渠要將一水限南北天殺當年劉六符天
殺陂澤養鴈鶩留與金人賦子虛我來鄉國覽風

土髮髯搗鼓笛鳴育中雲夢忽已失酒酣懷
皆平蕪昔年阻水群盜居塞翁子孫殺欲無至今
遺老向人泣前宋監邊無遠圖

武當野老歌

劉因

南陽武當天下稀峯巒巧避山自迷青天飛鳥不
可度但見萬壑空烟霏山不知人從太古白雲飛
來天作主旌旗明滅漢陽津幾閱東西互夷虜老
人住此今百年自言三世絕人烟往事不聞宣政
後初心欲返義皇前脯鹿為糧豹為席竹樹蒼蒼
歲寒國天分地拆保無憂惟見北風山鬼泣一聲
白鴈已成擒回望丹梯淚滿襟傳語桃源休避世
武陵不似武當深

蕪歌行

劉因

薊門來悲風易水生寒波雲物何改色游子唱蕪
歌燕歌在何處盤鬱西山阿武陽燕下都歲晚獨
經過青丘遙相連風雨隴羞我七十齊郡邑百二
秦山河學術有管樂道義無丘軻蚩蚩魚肉民誰
與休干戈往事已如此以以來復如何割地更石郎
曲終哀思多

白鴈行

劉因

北風初起易水寒北風再起吹江干北風三吹白
鴈來寒氣直薄朱崖山乾坤噫氣三百年一風掃
地無留錢萬里江湖想瀟灑佇看春水鴈來還

義俠行

王惲

予爲三著作劍歌行繼更曰義俠或詢其所以因
爲之解曰彼惡貫盈禍及天下大臣當言天吏得
以顯戮而著處心積慮一旦以計救之快則快矣
終非正理夫以四夫之微竊殺生之柄豈非暴豪
邪不謂之俠可乎然大茲大惡凡民間不慙又以
春秋法論亂臣賊子人人得以誅之不以義與之

今日朝文類卷四

七

可乎又且以游俠言古今若是者不數人如讓之
止報已私軻之劑軀無成較以此舉于尋常萬萬
也凡人臨小利害尚且顧父母念妻子慮一發不
當且致後患著之心孰謂不及此哉然所以略不
顧藉者正以義激於衷而奮捐一身爲輕爲天下
除害爲重足見天之降衷仁人義士有不得自私
而已者此著之心也何以明之事既露著不去自
縛詣司敗以至臨命氣不少挫而視死如歸誠殺
身成名季路仇牧死而不悔者也故以劍歌易而
爲義俠云著字子明益人少沉毅有膽氣輕財

古義不屑小節嘗爲吏不樂去而從軍後與妖僧
高北行假千夫長歸有此舉死年二十九時至元
十九年壬午歲三月十七日丁丑夜也

君不見悲風蕭蕭易水寒荆軻西去不復還狂圖
祗與螯蛛靡至今恨骨埋秦關又不見豫讓義所
激漆身吞炭人不識劓軀止酬一已恩三荆裹衣
竟何益超今冠古無與儔堂堂義烈王青州午年
辰月丁丑夜漢允策祕通神謀春坊代作魯兩觀
卯魄已禿曾夷猶袖中金鎗斬三劒談笑馘取姦
臣頭九重天子爲動色萬命拔出顛崖幽陂陲燕

八國朝工類卷四

血濟時雨一洗六合妖氛收丈夫百年等一死死
得其所鴻毛輜我知精誠耿不滅白虹貫日霜橫
秋潮頭不作子胥怒地下當與龍逢遊長歌落筆
增慨慷覺我髮堅寒颼颼燈前山鬼忽悲獻鐵面
御史君其羞是月授南其臺侍御史故云

田家謠

魏初

五月軍回未有期不禁烟瘴入枯脾馬頭一骨還
家日只有弓刀似舊時

懸瓠城歌

李材

我經懸瓠城試作懸瓠歌殘灰五百載懸瓠不復

我有唐中葉失馭將退辱進危多詆謗淮西孽雛
手指天百萬官兵不敢傍長安市上晝殺人司隸
走藏魂膽喪晉公一語破紛紜意斷心謀神莫抗
諫書不到雙闕下詔檢初成九天上煌煌日月煥
斧節慘慘風雲動鞞鞞殿前虓虎神策軍朔武通
顏分玉帳夜深雪花大於壁懸瓠城頭血埋仗寒
威方勁弓百鈞淨影不搖旗十丈已因猱猱山更
沸再戮鯨鯢海無浪蔡人不識緋衣兒劍氣磨天
大丞相方城大將拜道左犀甲金戈光炫晃兇器
狡衆五十秋白日青天破昏障兒童不遣避介冑

婦女爭來沽綠醪入朝論功功有差晉公之功無
與讓英雄事往名器虛粟斯嚙兒竟相尚外藩跋
扈驕將侮中禁深嚴嬖臣誑山東何啻百少陽秦
苑洛陽隨板蕩我歌懸瓠辭歌聲頗悲壯嗚呼唐
之覆車將誰尤後人吊古徒哀愴懸瓠城下汝水
流懸瓠城邊牧笛唱懸瓠歌歌已終君不見豐碑
野火化爲土悵望文公及晉公

水荒子歌

鮮于樞

水荒子日日悲歌向城市辭危調苦不忍聞妻孥
散盡餘一身城中米貴丐者衆崎嶇一飽經千門

城中昔食城外米城外人今食城裏耕者漸少田
漸荒政恐明年不如此水荒子行歌乞食良不惡
猶勝弄兵獄中死

水荒子聽我語忍死休離去鄉土江中風浪大如
山蛟鯉垂涎寧貫汝路傍暴客掠人賣性命由他
還更苦北風吹霜水返壑稍稍人烟動墟落賑濟
欲下適負除比著當年苦爲樂水荒子區區吏弊
何時無聞早還鄉事東作

湖上曲

鮮于樞

湖邊蕩槳誰家女綠慘紅愁問無語低回忍淚並
人船貪待纏頭強歌舞玉壺美酒不消憂魚腹熊
蹯棄如土陽臺夢短匆匆去鴛鴦鎖生寒愁日暮安
得義士擲千金坐令桑濮歌行露

烈婦行

趙孟頫

至元七年冬濱州軍士劉平之戍棗陽與其妻胡
俱道宿車下爲虎所得起追及之殺虎脫其夫吾
聞之中原賢士大夫如此乃爲感激慷慨作烈婦
行以歌之

客車何焯焯夫挽婦爲推問君將安去言往棗陽
戍官事有程宿車下夜半可憐逢猛虎夫命懸虎

口婦怒髮指天十步之內血相濺夫難再得虎可
前寧與夫死毋與虎生呼兒取刀力與爭虎死夫
活心始平男兒節義有如許萬歲千秋可以事明
主馮婦下莊安足數焉呼猛虎逢尚可審成審成
奈何汝

沉沉行

虞集

沉沉天字玄以黜星河如銀垂近人牛羊漫散草
多露大帳中野亭無隣去年八月羽書急婦女上
馬小兒泣今年八月天子來身屬素韉月中立

車簇簇行

馬祖常

李陵臺西車簇簇行人夜向灤河宿灤河美酒斗
十千下馬飲者不計錢青旗遙遙出華表滿堂醉
客俱年少侑盃小女歌竹枝衣上翠金光陸離細
肋沙羊成體薦共評高門食三縣白髮從官珥筆
行轟袍衝雨桓州城

竹枝歌

京師自果侯坊方亭山仲淵子方同賞也

馬祖常

城南牡丹一百本翰林學士走馬來渡水楊花逐
飛燕剪衣雲影覆春臺
粟侯宅中一花一園客來飲酒費金錢明朝碧樹春
城合恨不江東問酒船

玉環引送伯庸北上

王士熙

崑山有美璞，昆吾有寶刀。推雪澌寒冰，凝此英瓊瑤。
瑤團圓，月長滿。晶晶白雲淺，似環環無窮。寥寥人
意遠，有美玉山人皎潔，同精神禁坦。青春多大珮，
垂朝紳。腰無大羽箭，肘有如斗印。結束上京行，駟
駒驟長鞞。不採珊瑚鈎，海深安可求。不執水蒼壁，
漢庭羅公侯。愛此玲瓏質，題詩贈與客。百金一朝
傾，三年不可得。不得只空行，山泉送峽鳴。摩挲龍
門石，憶意應留情。天風北極高，歸途踏霜草。不惜
玉環分，只願君還早。

早朝行

王士熙

石城啼鳥翻曙光，千門萬戶開未央。丞相珂馬沙
堤長，奏章催喚東曹郎。燕山駟騎朝來到，雨澤十
分九州報。輦金獻帛分遠行，龍沙士飽無鼓聲。閣
中龍牀琢白玉，瑟瑟圍屏海波綠。曲闌五月櫻桃
紅，舜琴日日彈薰風。

畫馬歌

范梈

錢君畫人勝畫馬，安得名馳妙天下。青雲隱約見
龍文，有意軒昂駛華夏。圍宮山立頡而騁，朱衣黑
帶高帽尖門渠。掌握詐有此，牽控寧知人汝嫌。君

不見才士受束縛徃徃因之縱寒廓

蘇小小歌

辛文房

東流水底西飛魚銜得錢塘紋錦書幾回錯認青
驄馬著處閑乘油壁車鸚鵡盃殘春樹暗蒲萄象
冷夜認虛蓮子種成南北岸苦心相望欲何如

李宮人琵琶引

揭傒斯

茫茫青冢春重裏歲歲春風吹不起傳得琵琶馬
上聲古今只有三與李李氏昔在至元中十九辭
家來入宮一息 西皇稱藝絕珠歌翠舞忽如空君
王豈為紅顏惜自是它人彈不得玉鶴未舉樂未

八日學一第言四

十三

停一曲便覺千金直馬寒飛裏月流輝太液池頭
花發時舊曲半存猶新詩新聲萬變總相宜三十
六年猶一日長得君王賜顏色形容漸改病相尋
獨抱琵琶空歎息興聖宮中愛更深承恩始得遂
歸心時時尚被宮中召強理琵琶弦上音琵琶轉
調聲轉澁堂上慈親還佇立回看舊賜滿床頭落
花飛絮春風急

船上謠 送伯庸以 寄 伯庸 奉使劉 病

宋本

江華江月要才情多病堪憐馬長卿莫向都門折
楊柳帝鄉春色不南行

流求真蠟接閣婆日本辰韓歲豹倭番船去時
訂石年年到處海無波

朱張死去十年過海寇凋零海賈多南風六月到
岸酒花股篙丁奈樂何

湧金門外是西湖隄上垂楊盡姓蘇作得吳趨河
誰唱小卿墳上露蘭枯

舊時家近黑橋街三十餘年不往來憑仗使君云

問訊揚梅銀杏幾回開

名黑橋居有揚梅
言二樹在巨港上

事以至此六年出杭州
石東廂隅四條巷旁有橋

國中父老白鬚鬚老子風疏記得無昔日郎君請

國朝文類卷第四

十四

竹馬如今使者駕輶車

伯庸之先
嘗仕閩中

素馨華畔十八娘炎雲瑞露酌天漿一日供厨三

可頴使君館券莫支羊

薰陸胡椒脰脯齋明珠象齒駭雞犀世間莫作珍

音看解使英雄價盡低

東海澄清南海涼公厨海錯照壺觴郎君養好江

瑶脆水母線明烏賊香

明年歸路蹋陽和缺勝輕衫剪越羅春風通京河

頭路還與官家得寶歌

國朝文類卷第四

國朝文類卷第五

七言古詩

鄧州城樓

元好問

鄧州城下湍水流鄧州城隅多古丘隆中布衣不
復見浮雲西北空悠悠長鯨駕空海波立老鶴叫
月蒼烟愁自古江山感遊子金人誰解賦登樓

吊故宮

杜瑛

月上觚稜椒壁濕飢烏啄碎琅玕石劫灰飛盡海
揚塵廢殿荒臺土花碧洛陽書生汴梁客一夜春
風頭欲白尊中賴有酒如泉醉倚寒窗破愁寂

國朝文類卷五

吏部重刊

巨源相過話舊有感

王磐

中統三年春二月變起青齊帶吳越鯨鯢轉側海
波翻城郭橫尸野流血我時辛苦賊中來兵塵糝
糊眼不開妻孥棄捐豺虎口飛蓬飄轉無根荻天
寒日暮齊河縣破驛荒涼絕烟爨騎行驛馬鈍如
蛙官吏散地無處喚與君此地忽相逢行臺郎中
氣勢雄憫我白頭遭喪亂壯我臨難全孤忠急呼
驛吏具鞍馬使我厄路還亭通明晨相隨濟南去
出入條侯營鼎中死生契濶不相棄起居飲食常
相同標山華注日在眼綿歷春草及秋風四郊斫

木桑拓盡灤源飲馬波濤空兗渠腰頰膏野草始
見齊魯收烟烽巨源巨源君且坐我欲高歌君可
和往事回頭十五年猶想離魂招楚些身逢喪亂
百憂纏生不成名空老大我依破硯竊息榮君佐
雄藩世最謀流萍輒聚不吉時且喜相看顏一破
我衰無力訪君難願君得暇頻相顧

有懷梁仲經父

楊奐

美人熒熒在何處海闊天低隔烟霧珊瑚零落芙蓉
空咫尺相望迷去路翠輦金輿雙鳳鳳風吹環
佩聲琅琅壺觴狼籍事已往一日萬里愁茫茫劉
郎竟是誰家客歲晚霜華林葉赤美人熒熒在何
處鴨綠江頭江月白

金太子允恭墨行

劉因

黑龍江頭氣鬱葱武元射龍江水中江聲怒號久
不瀉破墨揮灑餘神功天人與竹皆具龍墨竹以
來九馬空人間只有墨君堂何曾夢到瓊華宮瑤
光樓前月如練倒影自有河山雄金源大定始全
盛時以漢文當世宗與陵爲父明昌子樂事孰與
東宮同文采不隨焦土盡風節直與幽蘭崇百年
圖籍有蕭相一代英雄誰蔡公策書紛紛少顏色

空山夜哭遺山翁我亦飄零感白髮哀歌對此吟

雙蓬秋聲瀟瀟來晚風極目海角天無窮見黑龍江

函蘭軒義宗北所汴亡張蔡公以金寶錄歸遺山
嘗就公論銀山軸亦公得于汴之中秘者公之子
仲仁待以末子
詩故終篇及之

金太子允恭唐人馬

劉因

道人神曠心所憐天人龍種畫亦然房星流光忽

當眼徑欲攬總秋風前漢家金粟幾蒼烟江都筆

勢猶翫翫東丹獵騎自豪貴風氣惜有遠東偏天

人秀發長白山蓋圖省識開元年金源馬坊全盛

日四十萬匹如秦川天教劫火留此幅玉花浮動

青連錢英靈無復汗石馬悲鳴真似泣金僊只今

回首望甘泉汾水繁華鴈影邊奇孫竟隨轍跡盡

兀坐宛在驪騮先人問若有穆天子我詩當作祁

招篇

陳氏莊

劉因

陳氏園林千戶封晴樓水閣圍春風翠華當年此

駐蹕太平天子長拂宮浮雲南去繁華歇回首梁

園亦灰滅淵明亂後獨歸來欲傳龍山想愁絕今

我獨行尋故基前日家僮白髮垂相看不用吞聲

六試賦宗周黍離離陳氏元父之川文州

文龍山指
孟嘉事

渡白溝

劉因

東北天高連海嶼，太行蟠蟠如怒虎。一聲霜雁界
河秋，感慨孤懷幾千古。只知南北限長江，誰割鴻
溝來此處。三關而下望風雲，萬里長風見高舉。萊
公灑落近雄才，顯德十年亦英主。謀臣史臣強解
事，枉著渠頭汗。吾豈十年鐵硯自庸奴，五載兒皇
安足數。當時一失榆關路，便覺燕雲非我土。更從
晚唐望沙陲，自此橫流穿一縷。誰知江北杜鵑來，
正見海東青鳥去。漁陽搥鼓鳴地中，鷓鴣飛滿梁
園樹。黃雲白草西樓暮，木華山頭幾風雨。只應漠
漠黃龍府，比似愁岡更愁苦。天教遺孽說向人，凍
雨頑雲結淒楚。古稱幽燕多義烈，嗚咽泉聲瀉餘
怒。仰天大笑東風來，雲放殘陽指歸渡。

宋徽宗賜周準人馬圖

劉因

筆底金鞍有肅爽，誰云不博降王長。汴梁門外苦
雲屯，畫本相看應自賞。十載青衣夢故都，經營慘
淡欲何如。只除金粟呼風鳥，曾見昭陵鐵馬場。

宋理宗書宮扇

劉因

杭州宮扇二好事者得之燕市，一畫雪夜泛舟。

畫二色菊理宗題其背有興盡爲期及晚節寒香
之句諸公賦詩了亦同作

天津月明啼杜鵑梁園春色疑寒烟傷心莫說靖
康前吳山又到繁華年繁華幾時春已換千秋萬
古合歡扇銅雀香銷見墨痕秋去秋來幾恩怨一
聲白馬更西風冠蓋散爲烟霧空百錢襪錦天留
在禍胎要鑿驪山宮當時夢裏金銀闕百子樓前
無六月瓊枝秀發後庭春珠簾晴捲天門雪棹歌
一曲白雲秋不覺金人淚暗流乾坤幾度青城月
扇影無情也解愁五雲回首燕山雪花大如席雪
花漫漫冰裁裁大風起兮奈何

讀目朝文五

五

登金荆軻山

劉因

兩山巉巖捕天色中有萬斛江聲哀人言此地荆
軻館尚餘廢壘山之隈太子西來函關開誰信生
鬼爲禍胎筆頭斷取江山去已覺全燕如死灰馬
遷尚俠非史才淵明憤世傷幽懷春秋盜例久不
舉紫陽老筆生風雷遺臺占樹空崔嵬平蕪落日
寒烟堆紛紛此世亦良苦今古燕秦經幾回憂來
徑欲浮蓬萊安得魯連同一盃碣石東頭喚羨門
六鰲載我三山來

幼安濯足圖

劉因

漢家無復雲臺功，生平不識大耳公。眼中天意鏡中語，此身只有扁舟東。諸公亦英雄，百年能辨山陽封。歸來老栢號秋風，世路悠悠七十翁。乾坤故物兩足在，霜海浮雲空復空。無刀可斷華大尉，有死不為丕太中。丹青白帽凜冰雪，高山日送官飛鴻。為問蘇家好兄弟，萬古北海誰其龍。長公愛文舉次公愛幼安蓋氣質各以類云

歸去來圖

淵明豪氣昔未除，翔翔八表凌天衢。歸來荒徑手

自南文五

六

自鋤草中恐皇劉，寄奴中年欲與夷。皓俱晚節樂地歸，唐虞平生磊砢一物無。停雲懷人早所置，有酒令龐通沾眼中之人不可呼。哀歌撫捲聲嗚嗚。

淵明歸來圖

盧摯

留侯晚歲游赤松，武侯早歲稱卧龍。忘秦扶漢聲隆隆，淵明初非避俗翁。兩侯大節將無同，鴈秋持書晉甲子，辭鋒時露長沙雄。玉弘何幸奉吾足，督郵能祚平生曾門前五柳春。濛濛落絮不與江波東，環堵蕭然吾未窮。北窓儘有羲皇風，盡圖不盡

千古意詩成一笑浮雲空

淵明歸來圖

尚野

羲皇上人鄉里兒田園將蕪非所思楚聲雖託絕
怨對高情千古歸來辭歸來忽復河山移忠憤意
切語益微白雲遙遙望不極東籬舊菊西山薇夷
齊奚疑怨耶非况乃貌此遺世姿文行圭璧照方
冊飄然髣髴空同時子雲擬聖諸儒譏法言美新
吾誰欺考亭夫子春秋筆昭然晉莽日星垂

過黃陵廟

李材

黃陵廟前湘水綠天寒漁郎唱巴曲沙棠舟上月

成化九年

國朝文類卷五

七

吏部重刊

蒼蒼翠蛟白蜃江茫茫似聞清愁五十柱萬里鴻
飛楓葉暮神鴉翻舞祠門開珠裳玉袖霑莓苔玄
猿書啼蘿薜影赤鱗夜去芙蓉冷北渚淚痕斑竹
紋南風哀思蒼梧雲山頭古桂秋露碧山下江流
豈終極荒涼揭車雜杜衡靈風自吹煙霧旌輕帆
晚向芳洲泊聊薦蘋羞奠蘭酌沅有汜兮湘有沱
洞庭木落生層波裴回獨詠騷人歌

金人出塞圖

虞集

海風吹沙如捲濤高為陸磧深為壕築壘其上嚴
周遭名王專居氣振豪肉食漣飲田為遨八月草

白雲颺颺鳥食草實輕骨毛加弦試弓復置棗今
日不樂心悵悵什什伍伍呼其曹銀黃兔鶻明繡
袍鷓鴣小管隨鳴靴背孤向虛出北臯海東之鷲
望不驕錦鞞金鍔紅絨條按習久蓄思一超是時
鷲清天翳絕駕鷲東來雲帖帖去地萬仞天一瞥
離婁屬望目力竭微如聞音鷲一掣束身直上不
回折遂使孤飛一片雲頃刻平蕪洒毛血爭誇得
舊頰足悅旌旗先歸向城闕落日悲風起蕭屑烟
塵滿城鼓微咽大酋要王具甘歡三亦欣然沃焦
熟闕支出迎騎小驢琵琶兩姬紅頻頻舞歌迭進
醉燭滅穹廬斜轉甍旣月

董元夏景山口待渡圖

虞集

董元夏山何可得嘉木千章鐵作叢層巒總含雨
氣潤百谷正受川光溢大牙洲渚善湫洳滄江散
落碣石開山田何處無耕鑿尋源不得還徘徊柳
下行人將有適臨流不度心爲惻我楫孔堅舟孔
安奉子以濟諒非難

送孟脩兄南歸

虞集

老兄五月來作客八年不見頭總白五人兄弟四
人在每憶中郎淚霑臆我家蜀西忠孝門無田無

宅惟書存况雖莞庫實父蔭弟竊餘澤承君恩之
章不如仲氏好叔氏最少今亦老土郎十歲未知
學嗟我胡為長遠道諸兒讀書俱不多又不力耕
知奈何憂來唯得二三友看花把酒臨風歌蜀山
嗟峨歸未得盤盤先隴臨川側碧梧翠竹手自移
應與青松各千尺南風吹雪河始冰兒歸烏帽何
眾眾明年乞身向天子共讀父書歌太平

寄鄉友

馬祖常

河邊老父念此出遠寄京華書一行謂言白髮今
多少又報南園竹樹荒門前石田杭秫熟犢子新
生走如鹿莫恋官家有俸錢長年作客身如束

國朝文類卷五

九

送蘇公赴嶺北行省郎中

王士熙

居庸關頭亂山積李陵臺西白沙磧畫省郎官貂
帽側飛雪皚皚馬鞞黑馬蹄雪深遲遲行冷月悽
雲塞垣明鐵甲無光烽不驚萬營角聲如水清明
年四月新草生征人賣劍隴頭耕思君遙遙隔高
城南風城樓來鴈鳴

萬竹亭

范梈

誰能買山種萬竹殘年請老住巴蜀結亭更在竹
中間四面雲谿寫山麓風敲最覺夜眠清雨洗賸

延秋望綠日吟不限三千字日飲氣須過百斛
西仙翁持斧客散馬涼城行新菊爲言令弟隱冷
江如此風流天下獨乃家正在蠶茨野東東琅玕
繞茅屋方知白眼待時人箕踞科頭自爲俗是邦
子雲劇博雅閉門草玄食漢祿多緣未識此君心
往事微瑕傷白王使君自是廊廟具方駕前脩詎
爲辱平生抱負勁直節日暮天寒照空谷始我瞻
望望不及然我嘆嗟嗟不足乞宜揣或從西遊向
子亭邊祝黃鵠

滋溪書堂

謝端

趙之川潭浸淩易恒滙泝洑各異出惟滋有溪亦
是匹或伏或見刀不容不能百里滹是從混混千
里俱朝宗子曩涉河觀湖江踔雲蕩日怒擊撞歸
視子滋嶺之瀧是滋名揚子所始有田有廬水之
浹有堂三楹庫非侈中經子史堂右左高曾遺子
以自課子迺善繼志不惰蒐今撫古扶恠竒泓涵
演迤吐爲辭辭副墨往往傳京師羸金青紫世所取
滋溪有源子有後斯堂斯書可世守

雜言

觀雷溪

劉田

飛狐天下脊老氣盤互回三江瀉天怒合為一水
東南來此勢不殺令人愁石門喜見西山開未補
青天裂誰鑿渾沌胎竒聲猛狀萬萬古山根幾許
猶崔嵬兩山倒傾瀾百丈逢顛崖先聲動毛髮餘
爽開襟懷初疑萬壑轉奔石意像髮髯坤軸推又
疑鼓角鳴地中百步未到仍徘徊荒祠下石磴駭
目何雄哉春風不到太古雪今日乃得胷中雷穿
石誰能窮窟宅流沫勢欲浮蓬萊平生芥蒂今寒
灰兩耳到骨無纖埃郿元筆頭天下水石頭之竒
猶見推乃知茲游亦竒絕快弄素霓噴瓊瑰東崖
一片石坐拂千年苔為招郎山君共捲長鯨盃江
妃為搗靈鼓催赤鯁躍出銀山堆先生醉來泉灑
面狂歌一和湍聲哀

游郎山

劉因

昨日山東州馬耳索御凌風嘶今日軍市中不覺
已落山之西山之面背一無異不待風烟變化神
已迷危關度雪嶺亂石通荒蹊林間小草不識
日自太古我行終日仰羨木杪幽禽啼但見雨色
來雲物颯以淒忽然長嘯得石頂痛快如御駿馬
蹄萬里來長風五色開晴霓長劔倚天立皎潔

鷓鴣平地拔起不傾側物外想有神物提詩家舊
品嵩少同畫圖省見巫山低誰令九華名獨與八
桂齊千態萬狀天不知敢以兩目窮端倪騫騰誰
避若飛隼側瞰何屈如怒猊千年落窮邊烟草寒
萋萋若非酈亭書生此鄉國物色誰省曾分題酈
元注水經說酈亭其先世所居也 乾坤至寶會有待

豈有江山如此不着幽人棲頗聞山中人雲間時
聞犬與鷄只疑名山別有靈境在不許塵世窮攀
躋不是先生南游有成約徑欲共把白雲犁九疑
窺衡湘禹穴探會稽玉井爛賞金芙蓉日觀倒捲
青玻璃風烟回首莫瀟灑南游準擬相招携

岳陽樓

張經

巴陵形勝甲天下郡治西南有樓曰岳陽盡得巴
陵之勝至元丙戌余以監察御史按臨長沙道出
巴陵允一往返不暇一登甲午夏備員湖北憲司
分司于辰始得以酬平昔之志噫湖山如此造物
者何其靳邪因留數語以識歲月云
洞庭一水七百里烟朝月夕皆經過豈知斜陽萬
里更有一佳處君山十二盤青螺乾坤有此樓為
古高嵯峨憶昨長江咫尺限南北風烟畫本一日

千摩挲今朝快一登恍若驅沉痾生平所羨無
請乃今更覺君恩多湘靈也似知我至時令白鳥
來婆娑鐵笛紫荊曲春草黃陵歌江山一醉謾不
省悲風落日生白波愛山愛水亦非癖奈此日月
如飛梭彭蠡張山堆碧海青銅磨武昌雲間嘆黃
鶴采石天外愁青蛾詩家割據幾今古元氣發泄
天不許高舟歸來月一蓑仙槎已候三山阿吾欲
乘興觀銀河

題丁氏松澗圖

鄧文原

天目之峯凌紫烟下周林壑紆長川清池斗笠
倒景神運直自甄鑿先彼美幽貞廬間房曲奧辛
夷荃荃官手植經幾年靈蚪天矯今參天門前朝
流暮流水但隨石瀉瀨鳴澗澗山人養真衡茅
下有書可讀琴可弦意行清澗曲長嘯松風前山
月出林高溪花弄春妍仙人欲來夜將半天空鶴
唳山連然颺塵大笑狂馳子口誦丹訣傳真玄我
欲從之結隣屋待疏藥圃謀芝田

我本山人素志丘壑獲歸名山為願畢矣爰
以四月十一日離京師是夜抵潞陽慨然賦
詩遙慰匡廬隱者併以寄金門諸公為一

云

李洞

野馬脫羈鞅，倏疑天地寬。
臨風一長鳴，風吹散八
青冥間，頗如魯仲連。
蹈海不復還，又如安期生。
長留一鳥，令人看江南。
浩蕩忽如海，落日照耀浮雲
關。既不能低眉伏氣，摧心顏。
詭遇特達，驚冥頑。又不能
抱書挾策，千萬乘。調笑日月，
相迴盤。匡廬迢迢接仙山，
仙策凌若秋雲。閑長松之陰，
引孤鶴望。我不見空長歎，采
鉛天池津。飲渌桃花灣，蒼
苔倒紫三湘寒。赤城霞氣生，
微瀾鯨鯢翻。空海波亦曉，
色欲上扶桑。雜之間之樂，
考誠不足持。何如臨卧樓，
最憂樓。歲暮一焦蘇。沈夜半，
天風吹酒醒。猶有西溪萬年明。

先天觀

范梈

學仙之人與山爲徒，往往在廬之奧，湖江之區。張公鍊丹，作龍虎丹，成御氣游六虛。後來出者絕代，無復有逸人。在玄都之壇角，并孤上摩萬里之黃鵠。下伏千天之飢鼯，陰森檜筠自太古。斬種力與開闢俱，搏桑朝日挂絕壁。坐見觀閣青模糊，壁崖控弦寫哀壑。秋春雲露之田腴，我亦人間山澤臞。偶陪時龍賓，唐虞有時一醉黃公壚。震風三

日撼不蘇折華不得度弱水揮手始識仙凡殊三
堂學士危與吳遺我茲山之畫圖尋牕數戶久點
息無因置我雙檣蒲獨行幽人不受呼掃葉青澗
聽啼鳥日暮蘿徑相縈紆相縈紆向何處明朝為
借麻姑鵬我亦騎之上天去

雜體

入安南絕不作詩清明感事集句 陳孚

十里宜春下苑花五年寒食仕京華自憐慣識金
蓮燭奉使虛陰八月槎

回首扶桑銅柱標芙蓉帳暖度春宵清明寒食誰
家哭折戟沉沙鐵未消

水流花謝兩無情獨上高樓望帝京閑憶金明池
上路人生看得幾清明

江東行客思悠哉不盡長江滾滾來寒食清明都
過了鷓鴣飛上越王臺

台州城濶海冥冥人踏金鰲背上行獨在異鄉為
異客無花無酒過清明

慈母年高鶴髮垂鄉書無雁到家遲初過寒食一
日六一日思親十二時

共藉梨花作寒食孟光舉案與眉齊越裳翡翠無

消息夜台花前日又西

寒食家家出古城滿川風雨看潮生八千里外飄
零客起向朱櫻樹下行

一百五日寒食雨風光別我苦吟身尚書氣與秋
天杏同是天涯流落入

海上乘槎上紫雲清明時節雨紛紛虎牙銅柱皆
傾倒水盡天南不見雲

遠遊聯句

武帝冬與伯長將赴都

袁哀

海鵬跨南雲一去決浩蕩宛駒踏北雪絕足追罔
象捕宵征車載脂非發燈在幌行邁念悄悄離愁

懷養養京

違吳始接浙過越猶指掌虹網結長思

羯鼓促新響鷓鴣三不復辭前駕逸誰能彷彿明堂企
棟梁武庫頽落蕩朽同湖漣英哀學媿蓬麻長大

施朱弦清小薦金莖沆雲間鶴孤唳推天外鴻橫
上曉船斫輕水干店憇平坡追攀瞰烟濤哀涉塵

走塵鞅清淮橋端蝮薄霧袞驕驥風臺牛一鳴為
日觀雞三唱團桑沃如盖宿草亂若緼青帘客沾

酒哀素鬢漁收網心觀洙泗流眼豁恒岱爽追程

騎侵雲拂勸耕農植杖俗厚喜豐登氣俠存慨愾

伊河既東流哀維斗復北仰誰云風土殊始覺宇

宙廣骨聳終起騰神清誰儻悅鈞天夢豈真補廣
寒步空想銖衣入閭闔芥粒視北垞千官紫府榮
九奏彤庭暢擣文剪金炬哀展寔獲天仗清都踰
咫尺弱水謾方丈絳旗雲霧開寶扇日月晃仁聲
被八表補德意昭羣枉况檢極封崇芬飴嚴肝饗
瑞氣藹重重泰階瞻兩兩駟象出天厨哀裏躡錫
中帑鳴珂接俊彥正笏補倘當無德人笑采芝逋客
棄拾橡茅拔要有古補來本無響湘纍但環詞
越相僅金像遭謫補徒補得計身何往豈如及承
平相與窮昭明君補出補飄我滯心悒快輕霜著

國朝文獻卷五

十七

裘帽哀微雪田草補離歌出兼葭古製却盆盎先
登匪一獲後至激孤槩以南燈火深補塞北音書
壯春風漸披拂臘水將凝滌詩成愈加險酒盡未
爲彊雙眸秋水炯哀累語春波盪經行度崎危交
友希個儻羈遊棄楚荒速客憐齊儉光陰尺璧重
補事業千金賞行還鴈塔題復覩鴻都榜時來戒
失窘事至勿枝瘻脂韋本九補近哀鐵石乃忠謹詞
林納疵美書田計荒穰列仙會儒癯羣補極吏駟
陸生強伊嘍陶令終翫醜清心百士避正色上帝
饗徒爲捧心施補大學畫眉啟功名要無心造物端

有相行行遂初志操持記疇曩

梅

國朝文類卷第五

十一

